

329 【阿僧祇品第三十】、【升兜率天宮品第二十三】 簡介(十玄^{7·8}門之經文)

此下三品·總顯深奧·即為三別。

- 1 此品【阿僧祇品第 30】 明 勝德無數·通明佛菩薩德
- 2 次品【如來壽量品第 31】 明 盡一切時·正顯佛德兼明菩薩
- 3 後品【諸菩薩住處品第 32】 明 遍一切處·唯明菩薩。

(以下:『七、因陀羅網境界門』之經文·請與講義 324p2·328p4 對讀)

『心王』問者·表¹數不離心·數與非數皆自在故·²顯此數統收前後·辨超勝故

爾時『心王』菩薩白佛言:「世尊·諸佛如來演說:¹阿僧祇、²無量、³無邊、
⁴無等、⁵不可數、⁶不可稱、⁷不可思、⁸不可量、⁹不可說、¹⁰不可說不可說世尊·
 云何阿僧祇乃至不可說不可說耶?」

佛告心王菩薩言:「善哉善哉·善男子·汝今為欲令諸世間·入佛所知數量之義·
 而問如來應正等覺。」

佛言:「善男子·一百洛叉為一俱胝·俱胝俱胝為一阿庾多·阿庾多阿庾多為一那由他·那
 由他那由他為一頻婆羅...烏波跋多烏波跋多為一演說·演說演說為一無盡·盡無盡為
 一出生...鉢頭摩鉢頭摩為一僧祇·祇僧祇僧祇為一趣·趣趣為一至·

至至為一『阿僧祇』·阿僧祇阿僧祇為一阿僧祇轉·阿僧祇轉阿僧祇轉為一『無量』·
 無量無量為一無量轉·無量轉無量轉為一『無邊』·無邊無邊為一為一無邊轉·無邊
 轉無邊轉為一『無等』·無等無等為一無等轉·無等轉無等轉為一『不可數』·不可數
 不可數為一不可數轉·不可數轉不可數轉為一『不可稱』·不可稱不可稱為一不可稱
 轉·不可稱轉不可稱轉為一『不可思』·不可思不可思為一不可思轉·不可思轉不可
 思轉為一『不可量』·不可量不可量為一不可量轉·不可量轉不可量轉為一『不可
 說』·不可說不可說為一不可說轉·不可說轉不可說轉為一『不可說不可說』·此又不
 可說不可說為一不可說轉。 爾時世尊為心王菩薩而說頌言:

不可言說不可說	充滿一切不可說	不可言說諸劫中	說不可說不可盡	} ⁴ 諸法相 即自在 門
不可言說諸佛刹	皆悉碎抹為微塵	一塵中刹不可說	如一切皆如是	
此不可說諸佛刹	一念碎塵不可說	念念所碎悉亦然	盡不可說劫恆爾	
此塵有刹不可說	此刹為塵說更難	以不可說算數法	不可說劫如是數	
以此諸塵數諸劫	一塵十方不可說	爾劫稱讚一普賢	無能盡其功德量	

於一微細毛端處 有不可說諸普賢

(共 120 偈大分為二:前六偈明普賢德廣說不可盡·餘 114 偈明佛德深廣·普賢窮究。)

(以下:『八、託事顯法生解門』之經文,請對讀講義 328p4~5)

佛以法界之身,不起而應,故名為升。

【升 兜率天宮品第二十三】宗趣者:會以十向大願為宗,得地為趣。品以升天赴感為宗,說向為趣。

- ① 表位超勝,是次第故。②上下放逸,此天知足,表世間行滿,故居喜足之天。
- ③又以彼有一生補處,表菩提之心功行滿故。
- ④又積功累勳知階未足,迴勳授子乃知有餘。菩薩亦爾,勤苦積行未見有餘,迴向眾生乃知自足。
- ⑤又欲界六天此居其中,表悲智均平,處於中故。
- ⑥又生此天,而修三福,謂施、戒、定,自餘不具,偏多不均,故處此說也。

(菩薩興供中二: <一> 明行成依報供,二十七句, <二> 其諸菩薩下, 身出正報供。P3)

《一》前十句『多因成多果(一時併舉多因,後通成諸供)』之供,即『一切中有一』,及『一切中有一切』。

百千億那由他不可說先住兜率宮諸菩薩眾,以從超過三界法所生、離諸煩惱行所生、周遍無礙心所生、甚深方便法所生、無量廣大智所生、堅固清淨信所增長、不思議善根所生起、阿僧祇善巧變化所成就、供養佛心之所現、無作法門之所印、出過諸天諸供養具供養於佛。

《二》【以從】下八句,『一因成一果皆因果相似』供,即『一中一』。

以從波羅蜜所生一切寶蓋,於一切佛境界清淨解所生一切華帳,無生法忍所生一切衣,入金剛法無礙心所生一切鈴網,解一切法如幻心所生一切堅固香,周遍一切佛境界如來座心所生一切佛眾寶妙座,供養佛不懈心所生一切寶幢,解諸法如夢,歡喜心所生佛所住一切寶宮殿。

《二》一因一果中, :

- 一、【蓋】以障塵,若度能除蔽。 二、【帳】以庇蔭,若悲為佛境,華以開敷,如覺解清淨。
- 三【法忍和悅】,用嚴法身。 四、演教網則震【金剛】之妙音,觀教網則不礙文而見理。
- 五、香氣聞而不可見,見而不可攬,猶幻法見而不可取,取而不可得,知幻無堅以成堅法。
- 六、周遍法空是佛智身所依之境,座之義也。
- 七、摧懈慢幢,樹法勝幢故。 八【諸法如夢】,是佛棲託之所也。

《三》【無著】下九句,『一因成多果』供。『一中一切』。「無生」約理,「無著」約智,此二契合方成一因

無著善根、無生善根,所生一切寶蓮華雲、一切堅固香雲、一切無邊色華雲、一切種種色妙衣雲、一切無邊清淨栴檀香雲、一切妙莊嚴寶蓋雲、一切燒香雲、一切妙鬘雲、一切清淨莊嚴具雲,皆遍法界,出過諸天供養之具,供養於佛。

二、『身出正報』供中，文有十句

其諸菩薩，一一身各出不可說百千億那由他諸菩薩，皆充滿法界虛空界，其心等於三世諸佛以從無顛倒法所起，無量如來力所加，開示眾生安隱之道。

具足不可說名味句，普入無量法，一切陀羅尼種中生，不可窮盡辯才之藏。

心無所畏生大歡喜。

以不可說無量無盡，如實讚歎法，讚歎如來，無有厭足。

初二明現身德量，謂一一量周法界，德齊佛故。

次【以從】下三句，明勝辯之因。次【具足】下四句，顯勝辯所依。

後【以不可】下一句，正申辯讚。皆從總持辯藏之所流故，情動於中，故形於言，言猶不足敬之至也。

【情動於中，故形於言等】者：即子夏詩序，具云「情動於中，而形於言，言之不足，故嗟嘆之，嗟嘆之不足，故詠歌之，詠歌之不足，故不知手之舞之、足之蹈之也」。